

佛說五恐怖世經

竟九

佛說弟子死復生經

宋居士沮渠京聲譯

聞如是一時佛在祇樹給孤獨園與千二百

五十比丘俱菩薩萬二千人神足弟子五百人俱亦時有賢者優婆塞本奉外九十六種道獸苦禱祠委捨入去奉誠不犯精進一心勤於誦經好喜布施作意忍辱常有慈心暴得疾病遂便命過臨當死時囑其親屬及其父母言我病若不諱之日莫殯殮七日若念我者不違我言遂奄忽如死父母親屬諸家如其所言停屍七日到八日親屬諸家言死人已八日瞑瞑無所復知當急殯殮父母言雖以日久亦不腫脹亦不臭處小復留之以到九日語言未竟死人便即開眼諸家父母大小踊躍歡喜未能動搖諸家共守之至十

日便能起坐善能語言衆人問所從來盡見何等言有吏兵來將我去往到一大城中有大獄獄正黑四面悉以鐵作城城門悉燒鐵正赤獄中繫人身皆在大火中坐上下火燒炙之青烟出或有人以刀割其肉噉食之獄中有王問我言若何等人犯坐何等乃來到

是中是中治五逆不孝父母不忠信事其君治諸惡人處若罪何重乃尔答言我小小爲人以來爲惡人所惑奉事外道少爲世間愚癡殺生祠祀天地飲酒又於市廛採取財利升斗尺寸欲以自饒會後與善師相得相教作善牽我入佛道中得見沙門道人授我五

竟九

三

戒奉行十善自尔以來至于今日不復犯惡恩由明王哀我不及我便叩頭

王即起叉手謂我言止止清信之人不應當尔便與我坐便坐王便呼吏問之此乃無上正真弟子汝曹等輩皆當從是人得度以其人壽命自盡時乃當死耳鬼神自追隨行往

受若生天上天神自當來迎之若生人中人中自當來迎之何得將此尊人來入是五逆之處更答王言世間多有是人不畏王法不畏四時五行不拘鬼神天地無所取錄不可一二不問也是人橫行天下無所拘制有法師名之爲沙門鬃剔頭髮被服踈陋以法自大多將弟子東西南北無所取錄移徙堊埋嫁女取婦不畏四時毀敗改易不拘王相是曹輩人應當治之王言止止卿爲了解是法也法服之人無所貴敬他所畏難諸釋梵日月中王下及帝王臣民皆所尊奉尊奉是人得福無量使人得道不得輕慢是人輕慢是人者自求罪苦急案名錄壽命應盡未吏白王言以命錄理之未應死也尚有餘筭二十以其先小時所犯罪惡後乃欲作善是以取之使其黨輩小復自下王言人居世間少作惡至于百歲是輩人罪當復云何吏言是人但可以生不可以死死便更連延當受罪

苦痛千劫萬劫無得解脫時王曰其佛弟子有戒精進不懈怠爲天神所貴敬所以尔者佛以大慈大悲護心救心以是四等心憂念十方天下一切人民萬物蚘飛蠕動之類佛皆哀傷之功德流演十方天下是故佛子天神地祇鬼龍皆敬貴之豈當拘王相四時五行也佛恩如四海不可得限量百億恒水邊流沙尚可斗量盡知其斗數佛恩不可得量也吏白王言大王爲奉佛淨戒耶王曰坐我不奉佛故追罪來作此獄王卿見此獄中今現有數壽終不受亦敢當前皆當又手起往奉迎之使案其所行善福福神自來迎取之

竟九

四

未應死者自有護速得除愈若有人已入正法後悔乃復還爲外道殺生祠祀邪道惡鬼見之得便此則自無護雖有千歲壽命當逢九橫無病自死所以尔者救護神不祐之如是者終不得解脫若持戒比丘及諸弟子當勤行六事何等爲六一者檀波羅蜜當好布

施無得慳惜二者尸羅波羅蜜當護戒慎莫
犯三者羸提波羅蜜當忍辱竿意心口莫瞋
恚四者毗梨耶波羅蜜當勤精進莫懈怠五
者禪波羅蜜當一心定意莫放逸六者般若
波羅蜜當勤作經上口諷誦當曉漚愁拘舍
羅是爲六事菩薩求道之本復有六事一者

眼二者耳三者鼻四者口五者身六者意人
欲求道蒙福當護是六事護眼莫著色護耳
莫著聲護鼻莫著香護口莫著味護身莫著
細滑護意莫著愛欲是爲護六事當復滅三
事何等爲三一者婬泆二者瞋恚三者愚癡
是爲三毒當復滅五事何等爲五一者痛痒
二者思想三者生死四者識五者愛欲是爲
五陰復有六衰何等爲六衰一者眼爲色衰
二者耳爲聲衰三者鼻爲香衰四者口爲味
衰五者身爲細滑衰六者意爲法衰是爲六
衰五陰六情三毒合爲身中二十事常在入
身中道人行道常當斷絕是二十事不能禁

竟九

五

絕是二十事當墮人著罪中六情不絕當墮
十八泥犁中五陰不絕當展轉五道中三毒
不絕當入三惡道中

若善男子善女又禁制持戒身中二十事如
鏡之去垢清淨無穢內外照明者天下千百
億方人有一人是佛弟子不更言實自無有

王曰如是觀之知佛功德大巍巍淵泓堂堂
乎如巨海不可當也吏白王言誠如大王所
言小吏罪之所致不別真偽請得遣之還王
曰善吏便辭謝人使自還去人便如從高墮
下燿然如蘇便得生活父母便以車載詣祇
洹以白佛佛便呼人問其所以見所言答佛
便笑五色光從頂上出繞身三匝還從齋入
阿難便整衣服以膝著地叉手白佛言佛不
妄笑笑當有意願爲衆僧廣說其義佛言阿
難諦聽受衆會阿難受教而聽
佛言是聞閻浮利天下爲五逆惡世子不孝
父臣不忠君夫妻相欺欺上調下人民很戾

少有義理輕慢無節強梁陵弱富富相從貧困守窮貪利慳惜無有慈心但欲勝人四王相守鬼惡神伺取其便犯者則死鬼神展轉隨行往受當作餓鬼畜生地獄楚毒痛掠笞斫湯鑊燒煮若有餘微微之福得上生天當在第六魔天薄福短壽不受法教雖得作人

當作下賤奴婢或作牛馬畜生驢騾駱駝象虎師子鳥獸虫蛾困苦巨言百劫千劫萬劫無得解脫時適生便病或時即死若得為人六情不具癡殘聾盲瘖瘂如是困苦無極今是世上有一人知世間有佛聞經法得見比丘僧有善心好意恭敬慈心捐九十六種道

來入正法自惟自剋奉受五戒修行十善以滅十惡

亦時有一人皆是惟衛佛時得道人功德同是人其有百劫千劫萬劫之罪皆悉滅盡其人壽終已後不復更見三惡道中假有所犯當追罪輕重詣地獄王見之衣毛當豎敬仰

六九

六

其人帝王人民一切莫不尊奉雖未得道功德隆赫天人龍鬼莫不稱歎

佛語阿難我般泥洹後世人多不敬法喜自真高自大輕懷於人薄賤正法毀諸比丘不與分衛罵詈瓦石擊之無所拘畏是曹輩人皆從魔界中來生為人故復惡如是其信樂

佛法則是上古先世時佛上足弟子能知真偽隨奉正法受持經戒復滅二十事皆悉諸菩薩摩訶薩非凡人也人生當有死無有不死者持戒善人不惜身命但念大慈大悲拯濟一切為眾人作唱導菩薩不懼生死之變入生死度生死入地獄說經戒止惡為善入

餓鬼為說布施入畜生為說淫泆亡人身上天生為教諸天人中為作法要為善人作地獄行則有地獄想人作畜生行則有畜生想人作天人行則有天人想人作餓鬼行則有餓鬼想人作人行則有人想一切萬物皆無所有但依形作名便有思想今是賢者眼所

見其證分明於出生以得爲人有福德奉正法何不努力可自致得佛尊貴何爲作勤苦之業身當自往受之悔有何益

佛語阿難法之欲與世生善人法之欲衰惡人衆多善相告語各加勤精進經戒爲憂一切無常無常力大佛不常住於世努力勤之既以自度復能救度一切人非人諸比丘汝曹當及我在世當努力莫言佛常在今不努力後悔何益今以死人者名見諦見諦聞佛說經父母諸家皆得阿羅漢道諦即得阿惟越致堅住不復動轉諸比丘及諸菩薩大弟子天龍鬼神聞經莫不歡喜皆前爲佛作禮而去

佛說弟子死復生經

竟九

七

佛說懈怠耕者經

宋居士沮渠京聲譯

聞如是一時佛在羅閱祇竹園中與大比丘衆千二百五十人及衆菩薩俱時佛從羅閱祇欲詣舍衛諸菩薩導前釋梵被服又見身體如四天王諸比丘僧悉從佛後諸天龍神在上供養去城不遠時有一人在田耕種遙見如來弟子侍從端正殊好威神巍巍容貌殊好如星中月奇相衆好金光從容三十二相皆出衆好遙見世尊心便歡欣欲往詣佛誓首作禮資受法誼佛世難值時時一現退自念言耕地未竟下種未畢須後閉時乃當見佛時佛知心發此懈怠世尊便笑五色光光從口出照十方境界安隱五道皆乘光來集會佛所地獄休息餓鬼飽滿畜生思善人民求度諸天龍神來聽道法賢者阿難解了七應誼法時節身與他人口詣佛所長跪叉手白佛言何因笑既少會當有意佛告阿難汝見犁者不對日已見佛言是人從維衛佛已來九十一劫於是耕種每一見佛常自懈